

Comunidade Autónoma / Departamento / Estado	GALICIA
Municipio	TRAZO
Edificio	Igrexa de Santa María de Trazo
Dirección	Lugar da Baixa de Trazo 15687
s	43.012836 -8.541170
	

Descrición	Esta igrexa parroquial do século XII e estilo románico, do que só perdura o tramo absidal, é unha das fundacións máis antigas da comarca de Ordes. Aparece citada xunto cos templos de San Pedro de Benza, San Xoán de Campo e Santaia de Pereira na designación de igrexas da sede de Iria de Tructinio (c. 830), dentro do territorio de Montaos. Presenta planta rectangular dunha nave con cabeceira cadrada destacada, onde aínda conserva unha primitiva xanela central de medio punto sobre columnas cilíndricas rematadas en capiteis entre os que se adiviñan motivos vexetais, destacando a decorada chambrana. O oco central emprégase fornelo para unha imaxe pétrea da Asunción sobre a cabeza de varios querubines e apoiada sobre dúas pezas graníticas reutilizadas. No testeiro sobresaen unha sinxela cruz. O muro lateral sur absidal mostra dous canzorros zoomorfos, algo pouco frecuente na comarca. Unha fera con aspecto de cánido de corpo enteiro, de costas e coa cabeza volta cara ao espectador con xesto ameazante. A outra son os cuartos dianteiros dun animal cuxo rostro desapareceu, pero polo tratamento do pelame parece un león. Mentres que o norte permanece agochado pola sancristía engadida no ano 1671. Nese mesmo muro norte advertimos unha porta de medio punto tapiada. Na fachada, moi recente, podemos ler unha inscrición na que apreciamos a súa data de construción: “Se hizo esta obra siendo cura párroco D. Juan Mosquera Bello 1868”. Sobre esta, unha espadana de dous vans nos que albergar as campás. O corpo superior adórnase con pináculos. No interior, a zona máis interesante sen dúbida é o presbiterio, ao que se accede traspasando o arcaván triunfal de medio punto, sobor columnas acaroadas con magníficos capiteis vexetais de escola compostelán (obradoiro de M. Esteban?), e basas clásicas. Os dous tramos que conforman o recinto, sepáranse tamén cun arco faxón de medio punto e características semellantes o anterior. Preside o altar maior, un retablo con cinco imaxes e sagrario. Xunto á porta principal de entrada, unha pía bautismal e outra de auga bendita, ambas moi sinxelas.
Campás	2 campás.
Toques actuais de campás	
Conservación, mantemento	
Protección	
Propostas	
Autores da documentación	TROIANO CARRIL, Xosé / CAMPÁS E RELOXOS MONUMENTAIS DE GALICIA (FACEBOOK)
Data	16-08-2023

Campás actuais

Localización	Campá	Fundidor	Ano de fundición	Diámetro (en cm)	Peso
--------------	-------	----------	------------------	------------------	------

Espadana	Maior.	DE MIGUEL MARTIN, CÉSAR	1968		
Espadana	Menor.	LISTE VILLANUEVA, JOSÉ (PARROQUIA DE ORAZO)	1898		

Información completa: [Igrexa de Santa María de Trazo - TRAZO \(GALICIA\)](#)